

ЎЗБЕКИСТОН RESPUBLIKASI
VAZIRLAR MAHKAMASINING
QARORI



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

« 27 » август 2019 у.

№ 721

Toshkent sh.

**Жиззах вилоятида гольф индустриясини ташкил этиш
чора-тадбирлари тўғрисида**

Ўзбекистон Республикаси Президентининг «Жиззах вилоятини комплекс ривожлантиришни давлат томонидан тартибга солиш ва бошқаришнинг самарали моделини ишлаб чиқиш тўғрисида» 2019 йил 3 январдаги ПФ–5609-сон Фармони ижро этиш ва «Илғор ҳудуд» синов-тажриби лойиҳасини амалга ошириш доирасида, шунингдек, республикада туристик хизматларни янада диверсификациялаш ва умумэтироф эгилган жаҳон стандартларига мувофиқ гольф индустриясини жадал ривожлантириш учун шарт-шароитлар яратиш мақсадида Вазирлар Маҳкамаси **қарор қилади:**

1. Ўзбекистон Республикаси Президенти ҳузуридаги Лойиҳа бошқаруви миллий агентлиги (кейинги ўринларда Агентлик деб аталади), Ўзбекистон Республикаси Инвестициялар ва ташқи савдо вазирлиги ва Жиззах вилояти ҳокимлигининг:

Жиззах вилоятининг Галлаорол туманида зарур ва маланий-кўнгилочар инфратузилмани, жумладан, бизнес-класс коттежлар шаҳарчасини, меҳмонхоналар, кўнгилочар объектлар ва дам олиш – соғломлаштириш марказини ўз ичига олган, гольф бўйича профессионал ва хаваскорлар турнирларини ўтказиш учун мўлжалланган, шунингдек, гольф ўйнашга аҳоли ва туристларни фаол жалб қилишни кўзда тутувчи жаҳон стандартларига мувофиқ бўлган гольф мажмуасини ташкил этиш лойиҳасини (кейинги ўринларда лойиҳа деб аталади) амалга ошириш;

«Mirasmanda Golf Resort» масъулияти чекланган жамиятни (кейинги ўринларда «Mirasmanda Golf Resort» МЧЖ деб аталади) ташкил этиш тўғрисидаги таклифларига розилик берилсин.

2. Қуйидагилар:

«Mirasmanda Golf Resort» МЧЖнинг дастлабки устав фонди «Рақамли иншонч» рақамли иқтисодий ривожлантиришни қўллаб-қувватлаш жамғармасининг улуши ҳисобига (кейинги ўринларда Жамғарма деб аталади) кейинчалик улушининг бир қисmini хорижий инвесторларга сотиш йўли билан шакллантирилиши;

истикболли участкаларни ўрганиш асосида «SongHo Golf Design» компанияси (Корея Республикаси) томонидан ер участкалари чегаралари аниқланган ҳолда гольф мажмуаси жойлашувининг бирламчи дизайни тақдим этилганлиги маълумот учун қабул қилинсин.

3. «Mirasmanda Golf Resort» МЧЖга, истисно тариқасида:

лойиҳанинг бош режасини, техник-иктисодий асосини ва бошқа лойиҳаолди ҳужжатларни ишлаб чиқишга «SongHo Golf Design» компанияси билан тўғридан-тўғри шартнома тузишга;

лойиҳани амалга ошириш доирасида товарлар (ишлар, хизматлар)ни тендер (танлов) савдолари ўтказмасдан энг яхши таклифларни танлаш орқали харид қилишга рухсат берилсин.

4. Жиззах вилоят ҳокимлиги:

Агентлик, Ўзбекистон Республикаси Ер ресурслари, геодезия, картография ва давлат кадастри давлат кўмитаси билан биргаликда бир ой муддатда Жиззах вилоятининг Ғаллаорол тумани ҳудудида «Mirasmanda Golf Resort» МЧЖга лойиҳани амалга ошириш учун 200 гектар ер участкаси доимий фойдаланиш ҳуқуқи билан белгиланган тартибда ажратилишини;

жисмоний ва юридик шахсларнинг лойиҳани амалга ошириш ҳудудида жойлашган ер участкалари олиб қўйилиши, шу жумладан, экилган қишлоқ хўжалиги экинларига етказилган зарар билан боғлиқ харажатлар Жамғарма маблағлари ҳисобига қопланишини таъминласин.

Белгилаб қўйилсинки, ушбу бандда кўрсатилган харажатлар кейинчалик лойиҳа қийматига қўшилади ва лойиҳани амалга оширишда иштирок этувчи инвесторлар томонидан Жамғармага қоплаб берилади.

5. Ўзбекистон Республикаси Мудофаа вазирлигининг «Ҳарбийлойиҳа» лойиҳалаш институти» давлат корхонаси зарурат бўлганда лойиҳа доирасида ишларни бажариш учун талаб этиладиган масштабда контур хариталарини ишлаб чиқишда «SongHo Golf Design» компаниясига кўмаклашсин.

6. Лойиҳани амалга ошириш доирасида «Mirasmanda Golf Resort» МЧЖ, лойиҳа ташкилоти, бош пудратчи ва субпудратчи ташкилотлар 2022 йил 1 июнга қадар:

ягона ижтимоий тўловдан ташқари барча турдаги солиқлар ва мажбурий тўловларни;

лойиҳани амалга ошириш учун жалб этиладиган хорижий мутахассисларнинг меҳнатига ҳақ тўлаш фонди қисми бўйича ягона ижтимоий тўловни;

лойиҳани амалга ошириш учун зарур бўлган товарларни, шу жумладан «вақтинча олиб кириш» божхона режимида олиб киришда божхона тўловлари (қўшимча қиймат солиғи ва божхона йиғимлари бундан мустасно);

ишлар, хизматлар бўйича – Ўзбекистон Республикаси норезидентларидан олинадиган қўшилган қиймат солиғи тўлашдан озод қилинсин.

7. Ўзбекистон Республикаси Ташқи ишлар вазирлиги Агентликнинг буюртманомалари бўйича лойиҳани амалга оширишда иштирок этувчи хорижий мутахассисларга кириш визалари консуллик йиғимлари ва бошқа йиғимлар ундирилмасдан белгиланган тартибда расмийлаштирилишини таъминласин.

8. Жиззах вилояти ҳокимлиги Ўзбекистон Республикаси Уй-жой коммунал хизмат кўрсатиш вазирлиги, Энергетика вазирлиги, «Ўзтрансгаз» АЖ ва «Ўзбектелеком» АК билан биргаликда лойиҳа бўйича тасдиқланган лойиҳа-смета ҳужжатлари шартларига мувофиқ қурилиш объектлари муҳандислик-коммуникация инфратузилмаларига (электр энергияси, газ, сув таъминоти, канализация, телефон алоқаси ва шу кабилар) ўтказилишини ўрнатилган тартибда таъминласин.

9. Ўзбекистон Республикаси Ички ишлар вазирлиги Агентликнинг буюртманомаларига бўйича, лойиҳани амалга оширишда қатнашадиган хорижий мутахассисларга белгиланган тартибда кўп марталик визалар берилиши ва муддати узайтирилиши, шунингдек, улар яшайдиган жойда вақтинчалик прописка қилиниши ва прописка муддати узайтирилишини давлат божини ундирмасдан расмийлаштирилишини таъминласин.

10. Ўзбекистон Республикаси Бандлик ва меҳнат муносабатлари вазирлиги «Mirasmanda Golf Resort» МЧЖнинг буюртманомалари бўйича лойиҳани амалга оширишда иштирок этиш учун юқори малакали хорижий мутахассисларни Ўзбекистон Республикасига жалб этишга рухсатномаларининг белгиланган тартибда берилишини (муддати узайтирилишини), шунингдек, жалб этиладиган хорижий мутахассисларга Ўзбекистон Республикаси ҳудудида меҳнат фаолияти билан шуғулланиш ҳуқуқини берадиган тасдиқномаларнинг берилишини (муддати узайтирилишини) таъминласин.

11. Мазкур қарорнинг бажарилишини назорат қилиш Ўзбекистон Республикаси Бош вазирининг инвестициялар ва ташқи иқтисодий алоқалар масалалари бўйича ўринбосари Э.М. Ганиев ва Жиззах вилояти ҳокими А.Э. Салиев зиммасига юклансин.

**Ўзбекистон Республикасининг
Бош вазири**



А. Арнов